

Was belangt die von dem Obersten den Landen erwiesene Dienst/ sind dieselben mit solcher ehr vnd nutzbarkeit gemeltem Obersten erstattet vnd vergolten worden/ als einiges andern wer der sein möcht/ so den Landen gedient / wie solches deren Obersten selbst am aller besten bekandt ist.

Wer es demnach billich/ daß ihr Excellenz Graff Moritz von Nassaw/ re. gesagtem Obersten den Titel vnd Authoritet ihrer Excellenz Leutenants / vnd Gubernators vber des Norder Quartier in Holländ/ wie seiner Excellenz Herren Vatter gethan/ gestattet vnd zuließ.

Dieweil die Herren Staden von Holland/ Seeland vnd Westfriesland/ zu erhaltung guter einigkeit vnd frieds/ vnd sonderlich eines guten Regiments in gedachte Landtschafften/ auch vorlangst/ nemlich Ano 1577. für gut erachtet/ vnd beschlossen daß vber gesagte Prouinzen/ Holland/ Seeland vnd Westfriesland allein ein Gubernator seyn sollte / nemlich der Durchleuchtig Hochgeborne Fürst vn Herz/ re. Prinz von Brantien/ Hochlöblicher gedechtnus/ vn daß alle besondere oder Particuliere Gubernamenten in berührten Landen solten abgeschafft werden/ wie dann solches in den nechsten zehen Jahren/ nach altem Brauch vnd Rechten derselbigen Landen/ würcklich vollzogen worden: Als siehet man keine vrsach / daß man allein diesem Obersten zu gefallen/ wider Brauch vnd Recht/ Ja auch ruh vnd einigkeit diser Landen/ solchen beschluß vnd ordnung solte verenderen oder umbstossen.

Doch mit dieser Condition vnd gelegenheit/ daß der Oberste Senoy mit ihrer Excellenz Graff Moritzen von Nassaw/ gute Correspondenz auff alle fürfallende Beschwerlichkeiten/ halten solle/ damit den

§ 2. selben